

# Jekabaara



Cikela ceman n'a musoman kunnafonisében

a be bo kalo o kalo

Jamana baarada la BP: 2043 Bamako (Mali)

d. 20

Boko 113 nan  
1995 SAN - AWIRILIKALO

## 1995 SANAWIRILIKALOKERA GINTANKALO YE KUCALAKAW NI SEGUKAW BOLO

### Dakun w

Le 2: Sosoliwn'u banbanbolo

Le 3 : An k'an hakili lajigin a la... marisikalo tile 26...

Le 4-5 : Kucala; kële dogo-dogow

Le 6 : Bamako filanin yaalako

Le 7 : Dugumakalanbolo sinsin jekulu sigira Léon

Le 8 : Selikalo ye yafa-jini-kalo ye

Le 9-10: Kacala ka 1995 san "Dundunba törü" gintanko

Le 11: Segu Balanzandunu kan bora

Le 12: Jamadonmögöko ni jamajemögöko

Le 12 : Lénajew ni daamu



### Kalo laadilikan

Yere-ta-tijeneden saba de be dije kono:

- faama dusuntan;
- faantan dusuba;
- demenbagantan tigényerela.

Nin maa suguya kelen-kelen bee ye sigida kono kenyerelaw de ye. An kana k'u do ye. An ka da an yere la; k'an banban an ka ketaw kecogo numan kan. N'o kera an te ke bo-fu sa-fuw ye. Tumani Yalam Sidibe

"Naniya numan ni Kumamugu in si te jamana nafa, fo kelen : WALEYA" (Abdulayi Bari)

# Sosoliw n'u banbanbolo

"Nin waatiw funteniko kera damiatemenco ye. U kera dusukasiko yere de ye. Kenema ani so kono, yoro bee ye kelen ye. Finiw be bo, ji sumaw be bon an kan, o si t'a ne. A dun kera cogo di?" Nin kuma ninnu, hali ni yelekokumaw te, u be mogo dusukasilen koni lajaga doonin de! Awa ne ka kumaw te. N siginogon do de ka kelen-na-kumakanw don. I n'a fo'n'a tun b'a fe ka dabaamaa yere de jalaki. Nka, i n'a fo bamananw b'a fo cogo min, ko si nafantan te dugukolo inkokan. Abe soron siginogon in hakili bora o deko, walima am'a jate. Funteni ye taamaseere caman de faralen ye nogn kan. Ni juguman taamaseerew b'olula, in'a fobana sidonbaliw, numan caman fana taamaseerew b'u la, i n'a fo samine san jiba-soro. O dun ye bilasiralifen kolo girin ye anw cikelaw bolo. Funteni kunban sosoli banbanbolo were te timinandiya ko. K'an timinandiya yere-tangafuraw tali la; k'an timinandiya funteni-koro-sunogo la; k'an timinandiya forokene labenbaarawla, walasa anta ka na ke san-jibakola "ni n tun y'a don ye. An fe yan, a be fo sang'a ni waati bee de ko sigi te mogo son. A be fo fana ko sebekela ka jigen lankolon te to. A be fo fana ko "ni mogo min y'a wuliwaati don ani ka tile waati jatemine, ko su te ko o tigi la abada taamasiraa fe. Anw cikelaw bee de ka kan ka son kelen ma bi. O ye de ko mogo be baara o baara la, dije in kono, ika kank'icessiri o fe. A dun ka gelen adamaden k'a cesiri baara fe a nana cun min cema. A ma min jesigi kuma te k'i laben a kanma. An bee ka kan k'a don ko forokene joyoro ka bon haali an ka dijenatige kono, bala-ka-wuli ma. Jamanakuntigib'aka baara taabolow laben cogo min ka soro k'u lawaleya ale yerekun n'a ka jamanadenw ka jetaa sabatili kanma, cikela fana ka kan k'a ka san baara taabolow laben



*Farikolo keneman de be monebobaara ke k'a yere lafiya, ka siginogonw nafa*

deka soroka wuli u fe, walasa ale yere ni sigida bee be daamu soroka ka sena na. Nka, nin yoro in na, n ka kan ka foli lase Welesebugu mara cekoroba do ma, ale min y'a fo n ye n ka taama do senfe ko: n den, dije ye maa suguya saba de ka yoro ye. Olu kelen-kelen bee be dije ke, ka dije nafa walima ka dije bila k'u nafa. A k'o folo ye keta-don-kebagaw ye. Olu te dan a donnima u ka baara taabolo min b'u nafa. u b'u timinandiya de k'o bee ke konuman

an'u seko danmajira bee la. "Bone gansan" maloya b'o tigilamogow de la. Awa, olu de be wuli u ka fenw fe badaa-badaa.

A ko n ye ko maa suguya filananw ye keta-don-kebaliw de ye. O tigilamogow te wuli u yerema, awa u lawulibaga de fana togo ye ko maa segenbaga. "N te nin don, nka n be n demenbaga jini, o tigi ni a ka here ce furance te bolonkonin kelen kundama bo". Nka "n be nin don o de kanman be



*Mogoya bennen ka di. An ka ben ka ko to nogn ta la*

n sagonan-wuliwaati makonon", aa, ntori layelen ka di jiri la, n'o tigi ye de.

Fen min ye suguya sabanan tigilamogow ye, o ye fan-bee-kunnandiya-makononbagaw ye. U yere be min don, u b'o ke a nema. N'u te fen min don, o donbaga mana u ladi, u b'o fana bo a sira fe. Welesebugu cekoroba bolo, dije mogo banna nin

jamakulu saba la. Nka, kuma rotineteban. N kelen k'a lakali Bugunika dow jena, olu ye n jaabi ko: ayiwa, mogo min t'a don n'a t'a jini fana k'a don mogo were fedun, o be cogodi? Sanni n k'u jaabi, cekoroba were y'i kanto i koroten ko: otigitogo ye kobannyerela ke... Ne dun hakili la, an be dije yoro min na bi, bannyerela man kan ka sor

Mali ciklaw la, ka d'a kan olu de y'u yere ni jamana mumu jigi ye. An bee ka kan ka wuli an wuliwaati berebere la, walasa k'an ka sumanforow, an'an katigaforow, n'an ka kooriforowlaben, foka se an ka daforow ma. Samine ye sominye de ye. Mogu min mana somi joona, o de b'a nafa lakika sor.

Tumani Yalam Sidibe

## An k'an hakili lajigin a la...

### Marisikalo tile 26...



1991 san marisikalo tile 26 wuli-ka-jo nana ni jemufanga sigili ye Mali ko.

adamaden jalakisiraw fana konnen don bee kelen-kelen ma, i n'a fo adamaden ka kesiraw wajibiyalend don bee ma cogo min, mogoko t'o la; joyoroko t'o la, ce ni musoyako t'o la. Aa, im'a don Mali in be ka diya sa. Ala

k'o ke netaa ye. Ala k'a ke, san o san marisikalo tile 26, an k'a sor ko o san here labanbannen don, n'o salon san ta ye.

Tumani Yalam Sidibe

Su te ko ni tile ma bin  
Dugu te je ni tile ma wuli  
Tile binni n'a wulili,  
O ye latigeko ye dije na,  
Mogo si se te min na.  
Solikawuli fila te kun  
Sogomada kelen na.

### Latige

Duguje te temen dugu kan  
K'o dugu ka dogo.  
N'o kera, o ye latigelako ye,  
Dije na, mogo si se te min na.  
Ni mogo se te fen min na  
Dije na, o fen kojira

Fen were la, min be s'a la.  
N'i t'o fen were don  
Dije na, o donbaliya kojira  
Donnikelaw la, dije na.  
Olu ni nininkalikelaw te fili.

Amadu GANI Kante

# KOORI


## Kucala; kelse dogo-dogow

Petoroli ye min ye larabu-jamanaw bolo, koori y'o de ye Mali kono. Nin ye kuma fogo do ye! Nka legese don. Walasa ka kuma in legeseya bo siga la, se ka ke Kucala doren "sanu-je faaba". Dunan dabali be ban pewu, k'o sababu ke koori cayako jugu ye, cayako jugu min kenekanda folo ye koirimugu ye finge fe, fan bee, koori-bo-wati. A kelen be i ko MAKOCI bolo degunnen don k'a da koori danmatemenco jugu soroli kan ninan.

Mobiliba wotoromaw n'u kono koori betaani-ka-segin na sigidawni isiniw ce. Nka o cesiri bee n'a ta; danmatemenco jugu sorolen in bee ma ce ka ban. Nin wasako in dugumanje be yen, walasa o ka lakoden, fo se ka ke koorisene sigidaba fila mogow ma u sigiyoro la. Da-sumu-sumu balalen minnu kera o yoro la, olu jaabi be se ka ke kamanagankumaw ye duguba-kono-mogo bolo min hakili la ko



Sefawari barika bannen bone ma dogo hali koori la...



...Hali nogo songow y'a sidon!

senekelawninisondiya doren de don u bilama lahala koson, k'o sababu k'u ka senefenw feereli nogo yali ye; sefawari nagasili kofe. Senekelaw ma son o here bisigilen in ma. "Sefawari nagasili donnitabaga folo ker'anw de ye". O ye Tomin "A.V." sekereteri Meleke Lamini Nafan njanakan ye. "Anw bolo, sefawarinagasilikera den-fara-ka-fili ye hali ni mogo tow banbannen don o hakilinan jenuman kan". Kabako kuma! Bawo nafoloko dabensiraw donbaga lafaamuyalenw ka bisigila, labenw kofe, MAKOCI min y'an ka soro dabensira ntuloma do ye k'o ye sinsinnan barikama soro jetaa siratege la. Kucala MAKOCI cikelaw layiriwa bolofara kuntigi Sanba Kulubali y'a jira k'o bakurubafo la. K'a be se ka fo ko kow ka ni. Nka halisa, senekelaw ka degun barika ka bon; wa laben bee ma waleya folo walasa waati kura in nafa bee ka soro. Misali

la, Konsengela mara kono, Ntorosomin ni Kucala ce ye kilometere 42 ye, o konomogo 396 bee tilara koorib la kabini okutoburukalo temennen. An be don minna iko bi, olu koretolen don kooricelaw la. Yenkaw ka nisongoya te foko bo, bawo koericce sumaya y'u bee darogese ye ka da u koretoli kan u ka nafolo la, minensan musakako koson.

Waati do la, MAKOCI tun be koori-bo-joona ladiyali-wari-di k'u fe yen. O kasabi tun be taa "toni kelen o kelen sefawari ba kelen" na. Nin bee n'a ta, senekelaw ka lajinifew be fan were de fe.

Mogowhakili la ko sefawarinagasilis ton dunbaga folo ye senekela min ye, o b'a fe do ka fara koori songo kan ka temen folen kan. 1994 san zanwuyekalo tile 12, koori songo yelenni min kera sefawari nagasili bolomademen feerewsenfe, kalite folo songotun b'a ta sefawari doren metan ni wolonwula la ka se mugan ni duuru ma, kalite filanan songo tun b'a ta sefawari tan ni duuru la ka se mugan ni kelen ma; sabanan tun songo ye sefawari tan ni seegin ye.

Koorisene law b'a fe songow ka ke cogo min o file: bi saba, mugan ni wooc, mugan ni saba. O kelle jesar man di. Nka an ni senekela minnu benna, kelle-ka-jigin-so t'olu kono. "An diyabagato te k'an ka senefenw di nin songo diyagoya sigilenw na". O y'u kumakan ye.

U bankan sinsinnan ye senek minen misenw (misidaba ni wotoro taw) songo geleya kojugu ye ka fara nogo ni fengenamafagalaw n'u nognaw kan. Koorisene daw yere b'u kali k'u y'u ka forokene seneta dogoya geleya kofolen ninnu koson. U

y'a jira ko nōgo sōngō danmatemēn gelyea yere de y'u ka degunw rō gelyeman ye, ko hali n'an ka jamana yere bē "kōnpōsi" dilan "A.V." sekereteri zenerali Siriman Kōne ni dugutigi ma taa sira fila fe walasa k'u ka nisōngoya jira. Olutun miiri la ko sefawarinagasaki bēna do fara balosēne barika kan (so, no, fini, tiga...) nka ko balosēne tō bē ka jōngirin ka taa a fe. No min kilo bilama bē feere sefawaridōrōmē wōcōrō, o sōngōtē basigi. Sugudon o sugudon, do bē bō o la.

Sigida cēkōrōba dō dabalibanko jugu y'a jira ko hali nōbōrē kelen feerelen sōngō tē nēgeso "pīnē" sōrō sisan. Ale bē se ka lafaamuya cogodi ko sanji ka nin wasaba dilen in bēna wolo nin nōgōnna kamanagankow la minnu ni sēnekēla ka nafa ce ka jan?

Ninnu miiri la, 1991 san balawu takurun ye mēnēni damine ko kura. K'o sababu ke tile kura in ye, sango banbagaciya fīnē ye cili dabo ka bō Segumarakōnō. Anka taama in senfē, anni Ofisi "A.V." jekulu dō ye nōgōn ye ntoroso. Segukaw m'u ce u lahala fisaya la. Ofisi kōnō, feere kēnē labilalen don kosebē olu ko ten. Ka sōrō maraw kōnō sanbaga wēre tē sēnekēlaw bolo ka fara MAKOCI kan.

Sikasomara cikelawhakili sēbekōrō banbannen don o sangajōgōnmali kan bawo olu caman ka lapinifēn ye sannifeere kēcogo labilali ye; sannikēlaw ka caya walasa u k'u ka sōngōw yēlema-yēlema u sago la. Taama kun filanan kera Tomina. Ale ni Ntoroso ce man jan. Yen fana, jigiyaba tē mōgōw la.

Sefawari nagasili kera hakili naami yeminy'a to sēnekēlawy'uka kēlēkeso k'u ka "nafa matarafa jekulu" ye teliya la. Gōferenaman ni MAKOCI ka bolonobila kera balo ni kōrisuguw ka nafa matarafa jekulu nēna, baarakēsēbenna min bē wele ko "kontara-pilan", kōri sēnē layiriwali kosōn. O de kanma, a bilama nisōngoyalendon. Tuma min sefawari



*Gelyea kera cogo o cogo, dugunjana ka jigine lankolon tē to.*

nagasili bē se ka ke sinsinnan ye Mali kōrōko bolo, yali nin kēlē bēe waati sera wa?

MAKOCI ta ye lasabali ni yere majigin yesenekēlawdusufunteninen kōrō. MAKOCI bolofara min nēsinnen don togoda layiriwali ma, o nēmaa jaba-jēlen ko sefawari nagasili bēna wolo nafabaw de la minnu tun ma deli ka labaara sēnekēlaw fe fōlo. Ale ka jate la, sōngōw yēlēnni dīnē suguw kōnō, faamubaliya sēnekēlaw fe, k'o faamuli ka nōgōn. MAKOCI nēmaa in ko ko halisa ko Malikōrōritun kanunen don kosebē kōkan kōrisuguw kōnō nka k'a bilama ma mandi i ko fōlo, k'o sababu ke kōrisēne fēerēw faamubaliya ye sēnekēlaw fe ani kōri bobaliya a tuma na, ani kērenkērennenya la, forokēnēbaw ladonbaliya ka nē.

"A file, nin y'a san 10 ni kō ye, forodōw sōrō ma temen kōri toni 1,3 kan tarila. 1994-1995 baara san fīnē kera sanji bonyako jugu ye. Kabako.

Samiye kuntaala janya ye sira caman taamali bali.

O fīnē ye tīnēnni don kōribōta caman na. Sanji bonyako jugu y'a to fana kōri caman ma se ka ce duguw

kōnō. Sanba Kulubali ka jate la, sefawari nagasili nafa bē togodalamogōw de kan, sēnekēlanw minenmisēnw nōrōbilawn'ō nōgōnnaw sōngō yēlēnni bēe tēmēnnēn kō.

Sanba Kulubali hakilinan la, kōri numān sōrō bē sēnē musaka doni fēgenya kōsebē."

Ala ko tīnē, sōngōw danmatemēn yēlēnni ye fīnē bila bēe ka baara kēcogo la Kulubali ko ten.

Kucala MAKOCI bolofara nēmaa y'a jira ko nīnan baarasan kow gelyara, nka k'a nafa ka bon ka da kōri sōrōta hake bisigilen kan min bē taa kōri tōni 112 000 la. O kōri hake in celite nēminēn kērenkērennenw kō.

Mobiliko dēsē bē yan MAKOCI la kōri celi kanma. Nka kuma laban na Sanba Kulubali ko kōrōcē bē daminē yōrō lasorōgomanw na fōlo walasa "sanu-je" (kōri) kana rōnagami fēfin na!

**Sebenbaga: Base Jara**

Nin kunnafoninw bōra donkibarusebēn "L'Esōri" don-n'a dugujē bōko 12887 nan kōnō.

**Bayelēmabaga: Bakari Sangare**

# Bamako filanin yaalako

Densorode ka dini fən bəe sərɔliye. A kelen dərən sərɔli ye daamu ye, kuma t'a caman sərɔli ma sijə kelen, i ko filaninw ani sabaninw n'u nɔgonaw. Kabini lawale la, kuma caman bə fo filaninko la, minnu be senna hali bi. Ob'a jira k'a koka gelən. O geleya yere be faamuyara, k'a da filaninw n'u nɔgonaw nacogo kan, min ye Ala ka sebaaya taamaseere ye, ni hadamadenw te se k'a nefö. Dənnikəlaw b'u taw f'a la. Nk'a kera cogo o cogo, a be tali ke fən min kan, o yelatige ye. A be latige hadamadenw ma. A be latige baganw ma.

Farafinna yoro dəw bə yen, Mali be minnu na, a be fo ko filaninw tin be nɔgon na, ka temen mögo təw kan, minnu be fa kelen ani ba kelen na. N'i fən kera kelen na, o te dogon a tə kelen na. O de kama, a be fo, k'an kana fən di də ma, ka də to; k'an k'u bəe sən nɔgon fe. Otəmennen, a be fo, ko walasa ka filaninw kisi mögəw dajugu ma, ani jinejugu ni banajuguw ma, k'u woloba ka kan, ka yaala n'uye dugu kono. N'o kera mögəw b'u ye, ka neb'u fe, k'u son bawo, u ko ka di bəe ye. Mögo si te filaninw ye, n'i ma nisondiya, n'u ka ko ma diya i ye, n'i m'u son. Dəw be saraka d'u ma. Dəw b'u dafalen u la. O be senna hali bi, wa, mögo te se k'o bə mögo kun na tugun. Bəe dalen be filaninwtəgəlakow la, fo dəw y'u ke subagaw ye, minnu b'u to bi la, ka sini kow dən. Nin bəe de koson, mögo te filaninko kərəbo, kuma te k'u yaalali dabilə dugu kono.

Nka, taalen nefe, filanin yaalaliko nana ke degunko ani negeboko ye dugubaw kono, sanko Bamako, min yejamana faaba ye, mögo yelekewka ca min kono. N'i taara yoro o yoro, filanintigi do be yen. Dəw jolen be n'u denwye. Olu de be girin sennamögəw ni bolifentigiw kan. Dəw sigilen be n'u taw ye, sirada yere la. Dəw ka filaninw yereb be boliboli möbiliw ni motow ni




*Ni filaninsorø ye Ala taanuko ye, filaninyaala bilama kelen be damatemen ye*

nɔgon ce. A ko kera mögo lamaloyako ye, bawo, a bora filaninyaala la, k'a ke sarakadeli ye. O yere kecogo ma ni, k'a masor'a ka surun wajibilako de la, ka temen barajilako kan. N'i m'a dəw son warila, olu be dimi, fo ka nenini ke. Otəbenan yerewma, kuma tədunanw ma. Olu be fən min faamuya a ko la, o ye segen barika bonyako jugu ye jamanadenw kan. A ko be jamana təgo tijé. A b'a ne mögo lamaloya. A b'a kono mögo təw kunmasuli. A b'an danbe lagosi.

Walasa ka filanin yaalako bila a bolo kərəlen kan, n'o y'a laadala bolo ye, anka musokunnafonilasela minnu ka jekulu be wele ko "APAC", o n'a nɔgon minnu be Afiriki jamanaw bəe kono, olu y'a kuma kuntige kunnafonisebenw kono, ani Arajo ni Televison na. A kuma kuntigera ka ben Marisikalo tile 8 don ma, n'o ye dijə musow təgəladon ye. O don gintanw kanma, musow b'a jira, ko musoya te monə ye, komusolankolon

de bə musoya ke monə ye. O siratege la, jamana bəe musow ka jekuluw be musow jɔyɔrɔko dajira, k'a fo, ko dijəlatige waləfosi te sira sərɔmusow kɔ, ko cew ka kan k'o faamuya, ka musow sendon ko bəe la, walasa musow kana ke bolokofenw ye, ka sɔrɔ, bəe b'a dən ko du te ke du ye muso kɔ; dugu te ke dugu yə muso kɔ, jekulu te ke jekulu yə muso kɔ, jamana te ke jamana ye muso kɔ; dijə te ke dijə ye muso kɔ. Olu ye fənw ye, cew bəe bə minnu kalama. Nka, fən min be cew bali, ka musow sendon ko dəw la, o be tali ke lawale kuma kɔrəw de kan, minnu b'a jira ko muso te ce jənɔgɔn ye, dijəlatige ko dəw la, bawo, muso te gundolamögöwyə, muso ye janfanci ye, muso ye kalabaanci ye, wa muso ye jine sitane de ye, cekulu bəe la. O siratege la, kuma kelen min be cew da kono, fən kelen min b'u kunkolo kono, kabini lawale la, fo bi, o ye ko muso ma ni.

Sisan, filanin yaalako bəcogo, a sirakɔrɔ n'a laadala bolokɔrɔ kan, k'a ke garibuya jaati ye, da donna o kuma la. O sababu kera Mali muso kunnafonilaselaw ka jekulu "APAC" ye. Olu ka kan, ka fo, k'u walenumandon, nin hakili jumanjirali la, musow yerew təgəladon nɔgonbilasira walew hukumu kono. O la, a ko tə tora hakilisɔrɔko ni halilijakaboko ye. Filanintigi w k'a dən, k'u sigiyɔrɔ te siradaw ani feerelikeyɔrowni baarakayɔrɔ ye, ko filaninyaala te don o don ye, garibuguya fana te, ko filaninyaala te ka ke Bamako, i n'a f'a be ka ke Mali dugu təw kono cogo min na. Geleya n'a taa o taa, filaninyaala te se ka bila musoyabaara nə na. kərəlen, filaninw be jira jumadonw, jamalajedonw ani dəgədonw de la. Olu donw be wasa ke, filaninw ka namagenko la, n'o y'a kun yere ye. Bamako filanintigi bəe b'o dən, bawo a caman bora yɔrɔdəde



*Yali filaninko ni sarakadeli bë taa joggon fe ?*

## Dugumakalanbolo sinsin jekulu sigira Λɔnɔn

K'a ta okutoburukalo tile 24 fo a tile 31 na, "UNESCO" (dijne kalanko n'a seko ni dønko jeninitonba), Aliman jamana ni Mali Jamana ye baara boloda ke Λɔnɔn kubeda la, n'o ye baarabolo ye min be wele ko denmisew ka dugumakalanbolow jensenni kunnafonidaw fe. O de y'a to jekulu sigira sen kan, min b'i janto janiya numan in na, min bëna waleya Λɔnɔn dugu kono, n'olu tøgø ye ko: baarabolo ka baara sinsinnaw. O jekulu mogow file nin ye:

Peresidan: Kundu Useyini Mayiga ye n'o ye Λɔnɔn kubeda lako lisow

kuntigiba ye;

- Peresidan dankan ye Bubakari Ture, arajo "cèsiri" kuntigiba.
- Baarabolo ka sëbenw lasagonbaga ye Alumudu Ture ye, n'o ye "JPEG" (karamogo kalanso) jemogoba ye, o ka dankan ye Seku Kone ye,
- Kolabenja ye Lahayi Kulubali ni "APE" (lakoliden-somogoton) mogotow ye;
- Wariko sëgesegelibaga ye Fuseyini Sise ye, n'olu fila bëe ye yerekalannaw ye;

Kunnafonisëben ka lasigiden ye

Seku Umaru Jalo ye.


Jekulu min benn'i janto baarabolo in na

- Musa Dunbuya, baarabolo kuntigi de y'o ye dugumakalanbolow tøgø la,
- "AMAP" ka ciden
- Segumara kalanko kuntigiba, ani Λɔnɔn kafo kunnafonisëben ka lasigiden Seku Umaru Jalo;
- Arajo "Cèsiri" baarakela kelen, balikukan kuntigi kelen, madarasa kuntigiba, balikukan karamogo, "APE" ka cidenw (Sokolo, Pogo, Λɔnɔn camance)

### Yerekalannaw

Abu Jara, kilometere 26, Λɔnɔn camance fala kono; Barema Kulubali, kilometere 30 Λɔnɔn; Siyaka Kulubali, Lafasi Bamanan, Molodo fala kono; Abudulayi Jara, Kokodi, Molodo fala kono, Useyini Sise Λɔnɔn dugu kono; Mahamadu Fofana, Λɔnɔn dugu kono; Usumani Ture, Sokolo fala kono; Dagali Kulubali, Sokolo fala kono; Abudulayi Samakasi, Ndebugu, Buke Samake, Λɔnɔn dugu kono, ka da Pogo kan.

Baarabolo in baaraw sinsinnaw  
Janiya ni waleya numan min bolodara, o de sabatira jinan awirilikalo tile folo, 1995 san Λɔnɔn nenejesso kono min tøgø dara "Tara Bore" la, Ala k'a dayoro suma.



*Ni denmisén kalanna, o b'a ke don dɔ maakoroba hakilima ye min be fenfin ni fenje don ka bɔ joggon na*



*Geleya kera cogo o cogo, dugunjana ka jigine lankolon te to.*

nagasili bē se ka kē sinsinnan ye Mali koɔriko bolo, yali nin kēlē bēe waati sera wa?

MAKOCI ta ye lasabali ni yērē majigin ye seneke lawdusufunteninen kōrō. MAKOCI bolofara min jēsinnen don togoda layiriwali ma, o jēmaa jaba-jelen ko sefawari nagasili bēna wolo nafabaw de la minnu tun ma deli ka labaara seneke law fē fōlo. Ale ka jate la, songow yelenni dijē suguw kōrō, faamubaliya seneke law fē, k'ō faamuli ka nōgōn. MAKOCI jēmaa in ko ko halisa ko Mali koɔritun kanunen don kosebe kōkan koɔrisuguw kōrō nka k'a bilama ma mandi i ko fōlo, k'ō sababu kē koɔrisene feerew faamubaliya ye seneke law fē ani koɔri bōbaliya a tuma na, ani kerenkerennenya la, forokenebaw ladonbaliya ka jē.

"A file, nin y'a san 10 ni kō ye, foro dōw sōrō ma temen koɔri tōni 1,3 kan tarila. 1994-1995 baara san fīrē kera sanji bonyako jugu ye. Kabako.

Samiē kuntaala janya ye sira caman taamali bali.

O fīrē ye tīrēnni don koɔribota caman na. Sanji bonyako jugu y'a to fana koɔri caman ma se ka cē duguw

kōrō. Sanba Kulubali ka jate la, sefawari nagasili nafa bē togodalamogōw de kan, seneke lanw minenmisēnw nōrobilawn'ōnōgōnnaw songo yelenni bēe temennen ko.

Sanba Kulubali hakilinan la, koɔri juman sōrō bē sene musaka doni fēgenya kosebe."

Ala ko tīrē, songow danmatēmen yelenni ye fīrē bila bēe ka baara kēcogo la Kulubali ko ten.

Kucala MAKOCI bolofara jēmaa y'a jira ko jinān baarasan kow geleyara, nka k'a nafa ka bon ka da koɔri sōrōtā hake bisigilen kan min bē taa koɔri tōni 112 000 la. O koɔri hake in celite nēminen kerenkerennenwko.

Mobiliko dēsē bē yan MAKOCI la koɔri celi kanma. Nka kuma laban na Sanba Kulubali ko koɔrice bē damin yōrō lasorōgomanw na fōlo walasa "sanu-je" (koɔri) kana rōnagami fēfin na!

**Sēbenbaga: Base Jara**

Nin kunnafoninw bōra donkibarusēben "L'Esoři" don-n'a duguje bōko 12887 nan kōrō.

**Bayeləmabaga: Bakari Sangare**

y'a jira ko nōgō songo danmatēmen geleya yērē de y'u ka degunw ro geleyman ye, ko hali n'an ka jamana yērē bē "kōnpōsi" dilan "A.V." sekeretēri zenerali Siriman Kōrō ni dugutigi ma taa sira fila fē walasa k'u ka nisōngoya jira. Olutun miiri la ko sefawarinagasil bēna dō fara balosēne barika kan (so, no, fini, tiga...) nka ko balosēne tō bē ka jōngirin ka taa a fē. Nō min kilo bilama bē feere sefawari dōrōmē wōcōrō, o sōngōtē basigi. Sugudon o sugudon, dō bē bō o la.

Sigida cēkōrōba dō dabali banko jugu y'a jira ko hali nōbōrē kelen feerelen songo tē nēgeso "pīnē" sōrō sisan. Ale bē se ka lafaamuya cogodi ko sanj: ka nin wasaba dilen in bēna wolo nin nōgōnnā kamanagankow la minnu ni seneke kela ka nafa cē ka jan?

Ninnu miiri la, 1991 san balawu takurun ye mēnēni daminē ko kura. K'o sababu kē tile kura in ye, sango banbagaciya fīrē ye cili dabo ka bō Segumarakōrō. Ankataama in senfē, anni Ofisi "A.V." jēkulū dōye nōgōn ye ntoroso. Segukaw m'u cē u lahala fisaya la. Ofisi kōrō, feere kēne labilalen don kosebe olu ko ten. Ka sōrō maraw kōrō sanbaga wērē tē seneke law bolo ka fara MAKOCI kan.

Sikasomara cikēlawhakili sēbekōrō banbannen don o sangajōgōnmal i kan bawo olu caman ka lajinifēn ye sannifeere kēcogo labilali ye; sannikēlaw ka caya walasa u k'u ka sōngōw yēlema-yēlema u sago la. Taama kun filanan kera Tomina. Ale ni Ntoroso cē man jan. Yen fana, jigiyaba tē mōgōw la.

Sefawari nagasili kera hakilinaami yeminy'a to seneke law y'uka kēlēkeso k'u ka "nafa matarafa jēkulū" ye teliya la. Gōfērenaman ni MAKOCI ka bolonobila kera balo ni koɔrisēlaw ka nafa matarafa jēkulū jēna, baarakēsēbenna min bē wele ko "kontara-pilan", koɔri sene layiriwali kosōn. O de kanma, a bilama nisōngoyalendon. Tuma min sefawari

Kabini kunu fo bi, denko te tulonkeko ye. O de kanma dugumakalanbolow joyero minen bonyara kosebe. Barisa Minisiri yere kerefemogow tun be kene kan; n'olu ye:

Senparala Mariyamu Angoyiba, Mayigala Bintu Mayiga, Musa Dunbuya, Mamadu Tarawele, n'o ye "UNESCO" ka ciden ye; Emaniyeli Sagara, Gavo kalanbolo kuntigiba, ani Kibarukaciden; Karimu Tarawele, n'o ye Saheli joyero fa; ani Lounon komandan Hamidu Tarawele; baarada nemogo, "APE", dugulenw musow ka tonw, diine nemogow bee lajelentun kenekan, ka fara Jekabaara kunnafonisben kan.

Lounon kubeda kalanbolo kuntigiba ye kene nama fifa, kubeda nemogoba fora o ko, ka minisiri ka nonabila tugu o la, Senparala Mariyamu Angoyiba.

Waati ni waati, arajo "Cesiri" be kumasenw lase diinesiraw fe; denmisew donbaliya kan lakoli la; musomaninw ka kalanbaliya; balikukan kelibolokofe fen yeduguw kono, k'o turuda segen, koli, dese kun. Nka, kuma lasela in ye nininkali ke, n'a y'a soro bee lajelen y'i joyero fa nin kojew la? An k'an yere nininka fana, yala ne ye n ka keta ke wa?

Otemennenko "kabako noggonton" yemusokoroba, cekoroba, kamalennin, musomisen cemisen, denmisew, npogotigi bee ka kalan nafa n'a neci

mankutu an ye; k'an ko ke somogo sama ye.

Misiriba Jara n'a ka noggonton y'o cikan kelen lase, dinkili, densenw, folisenw kono. Lenje kuncera nege ne 18 nan.

Nka, baarabolo kuntigi Musa Dunbuya ko kalo nataw kono, Lounon kubeda be kunnafoni bee ke hake kelen ye, k'a ta mekalo fo desanburukalo, ka da baarakalan bolodalen kan, minnu be ke Bobo Julaso ni Konakiri, zuwenkalo ni setanburukalo la, 1995 san.

Jekabaara togolamogo  
Bubakari Kulibali

## Selikalo ye yafa-nini-kalo ye

An ka foli be an karamogo an'an balimake Tumani Yalam Sidiben'a baarakeloggon bee ye, ka da u ka baara numan n'u ka timinandiya kan, cikelaw kunnafoninin'ukalanni na. Ne be dugawu ke kibaru ni jekabaara sebenbagaw bee ye u ka fasoden numanya kanma, ka d'a kan, an be don min na i ko bi, Mali koron, a tilebin, a banin n'a kenege, an bee be so kelen kono. Anw bee be fen kelen kalama, Ala ni Kibaru ani jekabaara sababu la. O koso, n be san-bee san-bee da maliden numan bee togo la, Mali kono an'a kokan. Aw san-bee san-bee, Mali ka keneya, Mali ka sabati ani Malika jetaa, Alak'okemaliden numan bee jena si jan ani keneya jan na. Tumani, ne Bakari ye n da ka n miiri, ne y'a soro k'e sera i ka baara la haali. E be baara min na, e n'i jenogonw, n'o ye cikelaw demenni ye, o saracogo numan te mogo si bolo ni Ala te.

N be n ka bataki in kunce ni kuma koroma do ye, k'o nini

jekabaara kalanbagaw fe u ka n jaabi, kamasorodine yehakili falen-falenyo ye

kuma koroma.

Badenma ce saba be dije kono, denke folo, o ka koro ni dije bee lajelen ye; denke filanan, o ni dije fen bee ye sihake kelen ye ni do

ko "tognogonma"; denke sabanan, dije fen bee ka koro n'o ye. N badenw, yala nin badenma saba ninnu ye fen jimenw ye?

Bakari Jara  
Sikoroni sekeretere  
Koni - Fana mara la.

## Poyi : bi mogoya

Dow ko a ka ni  
Dow ko a ma ni  
Nka nin bee la,  
A donbagaw de b'a don.  
K'a masoro  
A donbali be i komi  
Dejne sanubilen tigi.  
Dije  
Fitiriwalew ka kene  
Ka do ta dun ka jine o ko  
Ka do ta min, ka fili o ma  
Aa, dije be tan de.  
Donbaliso ani donnenso

Ni min kera  
Anw jeliw koni b'o fo  
K'a masoro  
Juguman be yoro min  
numan fana be yen.  
Nka, min ye ne kamanangan  
dije kono,  
O de ye ko juguman ni numan  
bee ye kelen ye.  
Barisa, a bee laban ye  
fitiriwaleya ye.

Tumani Yalam Sidibe

# Kucala ka 1995 san "Dundunba töpu" gintanko.

K'a ta san 1995 Marisikalo tile 16 la, k'a bil'atile 19na, Jamana baarada ka arajso min be Kucala, n'o ye "Kucakan" ye, o ka seko ni döñko yiriwali gintanw kera. Mogo min y'a gintanw dayelen, o kera Kucala komandan ye, n'o ye Isa Ceman Jara



*Kucala kafokuntigi y'a joyoro fa  
jenajeko in na*

ye. A dayelenni kera Hamidu Konate jena, n'o ye Jamana baarada kuntigiba ye. Komandan ye foli ni taanuni ke dunanw ni dugulenw ye, ka soro, ka jenaje in joyoro n'a jecifojama ye.

A gintanw kera mogo minnu ani jekulu minnu jena, olu ye Mali seko ni döñko minisiriso ka ciden mogo fila ye, animarabolow ka arajosow ka cidenw, n'o ye "Kledu", "Badenya", "Kenedugu", "Foko", ani "Sido", ani Sikaso ni Segu denmisén jekuluw ka mogo sugandilenw, ani kunnafonisében "Echos" (Eko), "Jekabaara" ani "Telewizyon".

Jekulu ani kenyereye minnu y'u seko n'u döñko jira, o ye Farafinfolikelaw, nansarafolikelaw, döñkelaw, döñkilidalaw,



*Laadala folikelaw...*

bololabaarakelaw, i ko kundigelaw, kalalikelaw, fenkorolabennaw ani farikolojenajelaw, n'o yentolatannaw ni "karatekelaw", ani "zidokelaw" n'u juconna ye.

A gintanw labenkun ye seko ni döñkolafasaliye, k'u sankorota walasa ka sigidoolow lakodon. Olu labenna mogokulu minnu fe, o ye kolabennaw, kunnafonijensennanaw, jaterminenikelaw, ni segesegelikelaw, n'olu de ye latomoli ke. O latomoli jaabi bora cogo min o file:

**Kalalikelaw:** Alasane So, Abu Berete, Mamadu Jire, A.B. Kamara,

Salifu Kulubali, Inasa "Tali"

**Kundigelaw:** Jatu Ba, Awa Kamara.

**Bagansibaaralaw:** Jekabaaratón, madamu Sidibe, madamu Yagare.

**Jiribaaralaw:** Adi Jara, Sanba Watara.

**Numuya:** Adama Sanogo, Salifu Sise.

**Kungoijiridilannaw :** Fuseni Jigine, Salifu Sise.

**Folikorow :** Nuhun Danbele, Tijani Kulibali, Musa Kone, Solomani Tarawele, Yusufu Kulubali, Sidifo Kulubali.

**Nansarafoli:** Bubakari Tarawele, Alu Sangare, Mama Kuyate.



*... ni nansara folikelaw bee lajelen y'u joyoro fa jenajekew kan*

**Nsirindalaw:** Mami, Isa Sogodogo  
**Farikolojenaje taabolow:** "SNF" ye  
 A.S. Babugunci dasi kelen ni fuu. Olu  
 kera ntolatannaw la kulu waané ye.  
 Nka Adama Kulibali, n'oyensirasunba  
 maa ye, o ye kurudon waanéya ta ni  
 kuru woɔɔrø donni ye.

Jekulu min y'a kunben bœe laben, o  
 jemogotun ye Talila Lalayisa Jara ye.  
 Olu ka baaraw kecogo numan koson,  
 "Kucakan top 95" ninakilila, i ko

npogotigi kokofasinw, ka d'a kan mogø  
 si ma to kœ, kene kera yerewole kene  
 ye, dumuniko ni siyɔrøko ma mogø si  
 kɔnɔgan. O be faamuya, ka masorø  
 Minankala galodugu, n'o ye Kucala  
 ye, kin tan ni fila be min kono, o y'i  
 cooko "MAKOCHI" kono, ka d'a  
 kono mogøw ka cesiri kan, sorokow ni  
 adamadenyakow la. Kucala donnø  
 be sebeke min na, sorø yiriwali sira  
 kan, o sebeke de ye "Kucakan" ke

arajo man di ye Sikaso mara kono.

A gintanw kuncedon, Kucala  
 komandan Isa Ceman Jara ye  
 Kucalakaw ka cesiriko fo min kera  
 sababu ye ka "dundunba top 95"  
 kɔnɔw barika bonya. A ye seginsofoli  
 ke jama ye, ka dugawu ke san were  
 jɔgɔnkunben jirali la an bœe kelen-  
 kelen ne na.

Bubakari Kulibali

## Segu Balanzan dunu kan bɔra!

Maliye seko ni dɔnko jamanaba ye  
 min mankutun ye dijne jamana caman  
 kɔ sagon. Walasa ka dibi fara ka bœ  
 halisa jaraw (korobalen nidenmisew)  
 n'u kanubagaw ce, Segu mara  
 kenyereye Arajoso folo "Foko", ye  
 gintan dɔ sigi sen kan, min togo dara



*Jamana baarada jemaa Hamidu  
 Konate ni donkibaru tigilamogøw*

ko "Balanzan dunu" Centigiba Dante  
 togola jenajesoba kono.

K'a ta san 1995 marisikalo tile 24  
 f'a tile 26, dɔnkili, dɔnsen, foli, finikalako  
 numanwnikundigicogo saramawbora


kunpan na Segukaw n'u ka dunanw  
 bœe ma.

Su saba kono, finikalala jenaw ni  
 kundala waanew y'u seko n'u dɔnko  
 jira "Centigiba Dante" togola jenajeso  
 kono mogøw la. Yanni kow ka damine  
 Arajo "Foko" jemaa Ali Dolo ye  
 dakurune danmado lase mogøw ma.  
 Ali ka kuma la, a y'a jira ko "Balanza  
 dunun" n'a jɔgɔnna seko ni dɔnko  
 kene ye "Jamana" baaradaba  
 haminanko kumbaba dɔw ye. Ali  
 temennen kɔ, Segu marakuntigi ye  
 folinitaanuli lase jama ma, ka sorøk'a  
 da don kene in nafa bonya la an ka  
 sekoni dɔnko matarafalin'a sankɔrtali  
 siratige la. Okumaw kɔfe marakuntigi  
 Amadu Balobo Mayiga ye kene  
 dayelen sekoni dɔnko tigilamogøw ye.

Yeko ye folo bœ, Arajo Foko ka  
 Balanzan dunu kera daamu dan ye  
 min kene kan, seko ni dɔnko tigiw ye  
 jɔgɔn falen-falen.

Folikejekulu folo kera Kucala mara  
 "kaba-la-keleke-cedenw" ye.  
 Nanzarafolisen duman dɔ jukøro, olu  
 ye Sidabana ka jangatan mankutu  
 bœ. O kɔ n bendiya kaba finna dewu  
 Centigiba Dante togola jenajesoba  
 kono, ka laban ka ke nisɔndiya ni  
 daamu sankise ye ka suuru. Daa ka  
 gun kɔnɔmogøwkan, tuma min Kunba  
 Jabate si kasabi 15 ye, "Ala no don"  
 dɔnkili da an ka ladalafoli la. "Dɔnkili  
 man di, a kɔro de ka di" Bamananw ko  
 ten, fantanya, faamaya, keneya... Ala

no don Kunba ko ten. Kunba Jabate  
 ye kene bila o kan, Seki Bagayogo, si  
 kasabi 25, ka bo Segu yelen na. O  
 fana yeduman ke mogøwkun ni dɔnkili  
 jenama fila ye. Balanza dunu su folo  
 jenajes kuncera Kucalakaw ka  
 dankelen ka folisen duman kan.  
 Abdulayi Jabate ye "Centigiba Dante"  
 jenajes kene kan mogøw bilasira n'a ka  
 Lalayisa Jara fasa ye. Seko ni dɔnko  
 dan te dɔnkili n'a dabaga, foli n'a  
 kebaga gansan ye, Arajo Foko,  
 Balanzan dunu labenga y'o faamu. O  
 de koson, folifenw ka kene temennen



*Kunba Jabate, ka dɔnkiliw ye jama jeta*



*Neba Solo n'a joggonna naara  
caman tun be kene in kan*

ko, a ye kene were sigi bololabaarakelaw ye, min kan, wolo, jiri ni bogo dilanko numan fenseenna sannikelaw ni filelikela gansanw ne koro "koniilekisi Bamanan" kono.

Balanzan dunu su sabanan n'a laban, Centigiba Dante togola nenajeso kono mogow ka nisondiya ser'a dan na, bawo o su de, Neba Solo n'a ka folikejekulu yelenna kene kan. Suleymani Tarawele, ni dow ko

"Neba Solo", o ye Sikaso mara balafolaw ronana do ye min ka folisen te mogoo si gansan to, a kan diya, donkili koro, folisen ni donkelaw koson. "Ala min ye sama da, o Ala kelen inde fana ye menemene da, n'a ma ninen sama ko, a te ninen menemene ko". "Meba Solo" ko ten, Nin donkili n'a koro be joggona na.

Tuma min Meba Soloyekene labila, jamana nemaaba Hamidu Konate ye foli ni taanuli lase jama ma. Segu mara gofereneri Amadu Mayiga ye foli ke jama ye. Oko a y'a ka nisondiya jira wale kiimeko numan na. Ka laban ka "k'an ben" da mogoo ye san 1996 kono Segu.

Yanni kodon ka ke joggonna, Balanzan dunu labenbagaw ye ladiyalifen di ke naaraw ma.


Gilemine Mayiga fora ka wuli k'i jo ni kene nana-ma-nanaya ladiyalifen ye. Aleka donkililabencogon'a dacogo nena ni bee ta ye nansarafoli siratoge la. Naaranana filanan kera Segu mara Seki Bagayogo ye. Nansarafoli nara nana sabanan kera Sekuba Kone ye ka bo Marakala. An ka ladalafo hukumu kono, naara nana saba fana sugandira fessefesseli jekulu fe.

Folo kera Soliba Tangara ye, si kasabi 31, ka bo Sanando. Filanan kera Kulu Keyita ye, si kasabi 41, ka

bo Segu. Sabanan kera Berehima Kumare ye, si kasabi 27, ka bo Segu. Nin ladiyalili temennen ko lagareya ladiyalifin dira Segukaw ka Kunba Jabate ma, bawo kene-kan-naaraw bee tun ka koro n'ale ye. An danbe munematarafalikoson, anka naaraya ka bada-daba nenamayali koson, Balanzan dunu n'a joggonna hakilinanw ni joyoroba ka kan an ka jamana kono. A ka gintanya kofe, Balanzan dunu ye togo dawulama ye min sigili koroba kofe Mali kono min taamaserelan kera balanzan jiri kunu ani bi. I n'a fo an balimake Adama Tarawele y'a jira cogo min. Adama ni dow ko "Ginba nciinin" ye, koteba kanubaganci min sigilen be Segu. Ale ka jate la, Balanzan ye Segu kofolan ye. Balanzan togo ka bon Segu, k'o ke togo ye ka da gintan na seko ni donko hukumu kono, o ye wasakoba ye ale bolo min ma dogon Segu kono.

Min ye Banzan dunu files jama ye, o fana kera wasako ye, bawo tile saba mumu, jama bora a ne ma ka se Centigiba Dante togolajenajesoba kono naaraw fileli kanma. Balanzan dunu nakun nena. N'i y'a men an ka taa kunu ta yoro la, kunkolo de diyara. Arajoso Foko ka Balanzan dunu keko folo ma to to wasa ni nisondiya la. Ala k'an ben san 1996 Balanzan dunu kene kan Segu.

**Bakari Sangare  
Jekabaara ka ciden Segu**



Yaya Sangare  
Kucala arajo Jamana ni Segu arajo Jamana (Foko) nemaaw



Ali Dolo

**Jekabaara ye cikela ceman n'a  
musoman kunnafoniseben ye.  
N'an dalen b'o la, an fana k'a  
nini ka fara a sebenbagawkan.  
Oro, an ka batakiw ci, K'uci ka  
caya an ka duguw kan, an ka  
sigidaw an'an ka ladaw kan.  
N'o kera an be ke sababu  
numan ye.**

# Jamadonmogoko ni jamañemogoko

Dine latige sigilen be fen kelen min kan, ni hadamaken se t'o la, o ye dakan ye. O de koson, a be fo ko dije ko bee ye dakan ye, ko Ala ye dali ke a ma keñenike, ko kun be di, nka kunte te di, ko wuli ka b'i sigiyoro la, o ye tijne ye, nka wuli ka b'inakan kan, o ye nkalon ye. O b'i n'a fo hadamadenw joyoro kabilia dugu ani jamana yiriwali n'u ka jetaa sabatili la. Jamana, wali faso ani dugu ni kabilia, obee yekelendey'u wolodenw bee bolo. Olu si man fisa ni si ye.

Jamana ye jamana denw bee je ye, dugu ye dugudenw bee je ye, kabilia ye kabiladenw bee ye. Nka, olu mana ke bee je ye cogo o cogo, bee te se ka je ka k'a kelen si jemogeo ye jocor fe. Ala be mogo kelen de sugandi, ka kabilia kalifa o tigi ma, waati do kono. O be ke kabilia jemogeo ye. Mogo se t'o la. O ye latigelako ye. Kabilia bee b'otigideko. dugukuntigiko ani jamanakuntigiko bee b'o cogo la. Olu ye fenw ye, minnu faamuya ka gelon mogow bolo, limaniya te minna. Olu de be wuli, ka yoro bee ke senno ye, ka mankan ci yoro bee, kabilia kono, an'a kokan, dugu kono, an'a kokan, jamana kono, an'a kokan.

Olu be sanga jamadonmogow de ma. O ye mogow ye, togo ni girin ka di minnu ye, k'u yere bila kow jemogoya sira kan, walasa k'u yere jira, a ka don k'u fana be se ko la. Olu ka faamuyali la, kuntigya be mogo min bolo, o man fisa n'u ye, o te ko don n'u ye, kuma te ka se kow latemenni na, n'u ye. O ye mogow ye, minnu krotolen be Ala yere koro, k'a masoro, n'a danna olu ma, n'a se b'u ye, kabilia jemogeo, jamana jemogeo, o bee be wuli, bi yere, k'olu sigi, u no na. Nka, olu wulili se t'u ye, bawo, Ala de y'olu ta k'u ye. Ala dun te jalaki.

Mogo minnu be wele ko jamadonmogow, olu ni jamañemogow te kelen ye. N'u kumara, u yere ka

jamakulu labennen mogow jena, fen bee be foyen, fotijne. Odebe nagamin don kow la. A be mogow siga jamañemogow la, k'a soro fije kise kelen t'olu la.

Kabini jemufanga tile bora, jamadonmogo cayara. Komogoya be jini ka fisaya ni jemogoya ye. Denw farinyara bangebaaw ni karamogow ne. Duden minnub'u ka dutigwlamen, o man ca. Duguden minnu b'u ka dugutigw k'o, o ka dogo. Baarakela minnu be jaman u ka kintigikunna, o be ka caya ka t'a fe. Yeresagoke bilara baara no na. Jamana si te soro ke, ka yiriwa, kataa ne, n'a konomogow bee be k'u yere sigi jemogeo sigiyoro la. O mana ke jemufangako min ye, o

mana ke pariti politiki camanko min ye, an m'olu jocor lakomen yoro si, dije jamana tow kono, olu minnu dow ka jemufanga damineli ka ca ni san kemene filia ye.

A jemufangako la, Maliden caman kelen be, k'a faamuya, a nejugu kan. N'o te, kabini lawale la, jemogeo gaasi sigi y'an ka yeredonkow bee nebila de ye. O temennen ko, ni bee jera, ka mogeo min sigi, a b'i ko Ala yere de y'o sigi. Ni mogeo min y'o dogoya, a b'i k'o tigi ye Ala yere de dogoya. Ola, Ala t'i to yen cogo si la. A t'i sago k'i ye abada, k'a masoro, Ala t'a ka mogeo sugandilen labila a juguw ye, fo n'o tigi ye ale Ala ka sira bila.

Amadu Gani Kante

## Jenajew ni daamu

Donnikelaba do ka kuma don : adamaden be balo dumuni na, nk'a hakili n'a ka adamandenya bee lajelen sinsinnen don a ka sekow n'a ka donkow de kan. Du o du, jamana o jamana; kabilia okabilia, n'o fantanyara nafoloko la, a konomogow ka cesiri be mondebala don do. Nka, n'a fantanyara seko ni donko siratge la, fo ka taa dije ban, o dugu o, o jamana o, o kabilia o, te bo jugusagoya la. Sodon fara jidon ni jiridon kan, yeredon de jocor te. Jamana baarada file ka seko ni donko latimewale minnu sigi sen kan Kucala ni Segu, oye Alataanukoye, ka masoro, olu de sababu la, an ka fitineyeelen camansera k'u ka sekown'u ka donkow fensekene kan jama nekoro. An hakili la, san were jenajew kene tena dan Kucala ni Segu danma taw ma, a na jamana mara were lasoro. Sanni o waati ce, an bee be je ka Ala deli, naaraw ni seko ni donko tigilamogow ye, minnu lakodonna kene ninnu kan, walasa u ta kana ke don-kelen-dawulatigya ye. Nka, u togo ka kobaw ni babaw kosaqon sa, ka yeelen bo,

Mali fan bee, Afrika fan bee ani dije fan bee. N'o kera, an b'a fo ko koba wolora koba la, ka koba kene rrobo.

I n'a fo donnikelaw dun b'a fo cogo min na, demen kelen de be adamaden bee ye min togo ye ko sababu, nka yeredemen badaa-badaa wajibiyalen don a ma, min togo ye ko timinandiya anidanyerela. K'anben san were kenew kan.

Tumani Yalam Sidibe

### JEKABAARA SEBENNEKULU

Laboli kunte  
Tumani Yalam Sidibe  
Sebennekulukuntig  
Tumani Yalam Sidibe  
Sebennekulukuntig  
Bakari Sangare  
Amadu GANI Kante  
ani Bubakan Kutubali  
Sebenyoro ordinateri la  
Jamana gafe sebenyoro  
Baarakelopogoni  
MAKOC, "OCED", "SNV"  
Jensenyoro  
MAKOC, "ODIK", OTIWALE, "ODIMO"  
Labugunyoro : Kibaru  
Borangonko hake : 11.000